








Dialuna awor trabao na Carnival Village lo ta cla y inaugura



ORANJESTAD (AAN): Minister Otmar Oduber a tene 'site visit' na Carnival Village, y el a indica: "Impresionante pa mira e trabaonan cu ta tumando luga".

Minister encarga cu Infraestructura Otmar Oduber durante su bishita pa mira e progreso di e trabaonan andando na Carnival Village a splica cu durante di e ultimo siman nan segun e trabaonan ta concretisa hendenan cu bishita San Nicolas ta haci pregunta y por admira e joya akin a San Nicolas. E trabaonan lo ta tumando luga den diferente fase, por mira e mural, fontijn y ticket booths cu ya ta casi cla. Despues di e periodo di Carnaval di biaha lo sigui traha riba e kiosconan, bañonan, lo traha un stage tambe. Asina brindando e facilidadnan pa e Carnival Village por worde uza na mucho mas ocasion!

'Algo cu a pusha hopi pe considerando e celebracion di Carnaval 65, ta pa duna honor na tur esnan cu a gana Calypso y Roadmarch den pasado cu lo worde poni riba e mural cu ta e cara di Carnival Village. Den e proceso aki ta gradici organizacion Musica, SMAC y tur otro persona cu durante

añanan a contribui grandemente, sea ta cu transmision di e festivalnan, potret y diferente raportahe y cobertura.' Adicionalmente Carnival Village den futuro lo ta hopi mas vibrante y activo, esaki a inicia ya desde cu e parada di autobus a bin na elugar. Awor cu e desaroynan cu ta na caminda, e chauffeurnan y esnan cu ta baha y subi bus pronto lo tin un lugar similar na linear park unda por relaha y refresca manteniendo e autenticidad di San Nicolas. 'Hopi trabao ta tumando luga, si bishita elugar mainta ya pa anochi por mira cambianan drastico y henter e fin di siman aki lo bay sigui cu e trabaonan,' Minister Oduber a enfatisa. Minister encarga cu Cultura Xiomara Ruiz - Maduro tambe ta sostene e proyecto aki grandemente y a sostene di inicio. Desde cu infraestructuralmente a bisa cu kier haci di Carnival Village un lugar unda cu diferente entretenimiento por tuma luga durante henter aña y un lugar caminda cu comunidad por haci ehercicio y relaha cu famia. Awo-raki mas y mas por mira cu ta realizando e plan pa haci Carnival Village un centro na San Nicolas cu multiple funcion! Aña pasa a ricibi aprobacion di Parlamento pa aloca e fondonan pa e proyecto aki realisa y 5 luna pasa caba a inicia cu e trabaonan. Minister Oduber ta gradici henter e team di DOW y Ministerio di Infraestructura cu a traha duro durante e ultimo lunanan. Tambe e contratista Freman cu a brasa e proyecto y ta realisando e cu amor, reconociendo e importancia di e proyecto pa San Nicolas y henter Aruba.